

## **Tlanauatik Ueyialtepetl Mexik, kali tlapaleua kixpoloua nik teisklakoua nikan Ueyialtepetl Mexic.**

**Temachtiani Geraldina Gonzales de la Vega Hernández**, tlanahuatik kali tlapaleuia kixpoloua nik teistlakoua nikan Ueyialtepetl Mexic, Ihkulihtoc itik amatl, se poual mahtlaktl uan yeyi, se poual mahtlaktl uan chokueyi, omipoual uan chikuasen, uan omipoual mahtlaktl uan se, ihkuilihtok itich amatlanauatik nikan itch kali tlapaleuia kixpoloua nik teistlakoua nikan Ueyialtepetl Mexic; omi poual uan makuil, omi poual uan chikuasen, yeyi poual uan chikuasen, uan yeyi poual uan chikueyi, ihkuilihtok itich amatlanauatik nikan itich kali tlapaleuia monehmachia kixpoloua nik teistlakoua nikan Ueyialtepetl Mexic; uan se chikuasen, chikomi, chikueyi, chiknahui, mahtlaktl, mahtlaktl uan se, uan kashtol uan yeyi ihkuilihtok itich amatlanauatik nikan itich kali tlapaleuia kixpoloua nikteistlakoua nikan Ueyialtepetl Mexic, namech ixpantia:

**Nikan namechixpantia okiuehkatilihke okse tonal akin kinikiske ualasse mihkuilokiue, kinnotsa nochtin tlakame uan siame non tikipanoua itch oksiki kaltikime, ma kimpaleuikan mosepan ixyehyikoske kenin tikitiske nikan itich kali tlapaleuia monehmachia kixpoloua nikteistlakoua nikan Ueyialtepetl Mexic.**

### **kixyehyikoua**

Nin kali tlapaleuia kixpoloua nikteistlakoua nikan Ueyialtepetl Mexic, peuaske yek tikitiske itich nin kali, amaka kinnanauatis uan kin yolkopas o kitlakamatiske okse, ipan tlachias non amo kualti moteiluia, ihkon kualti nochtin yaski nin nimilis, nikan Ueyialtepetl Mexic, kimixpantiske non kachi kixmati tlon kihtoua tlanauatil amatl, uan tlin kihkuiloske amaka kin kixtilis. Ika moueyichiuaske, uan kali san kualti ye kitikipachos uan yek tikitis.

Nikan tokniuian mosepannotsa itich nin kali motlalnamiktia uan kixtoka, koxyektikiti oksiki tlanauatihke, uan kitemoua kenin kichiuaske kixpoloske nik teistlakoua.

Nin kali kypias amo san se maseual, kitlahtlani mahtlaktl o sepoual siame uan tlakame, tlayakanke kampa tikipanoua, o tla yehuan intiki, noyihki non momachtia tla kixmati kenin tlapaleuiske kixpoloske nik teistlakoua, kualtis mihkuilokiue.

Ikan mahtlaktl uan omi metstli den xiutl 2018 oikixnestihke nikan Ueyialtepetl Mexic “Nikkiteixpantia mamihkuiloki in tokniuian non oksikan tikipanoua, o non momachtia ma kin paleuiki kixpoloske nik teistlakoua nikan Ueyialtepetl Mexic.

Okinmakake san mahtlaktl tonal amo kipoua chikuasen uan chikomi tonal, opehke kipoua keman okixnextihke kampa kixkopina nikan Ueyialtepetl Mexic.

In tokniun non yakimati Kixtokaske kox kema kintikipachoua non mihkuilotiue, mosepan notsaske, uan mosepantlahtlaniske nik monichikoske ikan xiutl 2019 kitaske kenin mokaua uan kimuistiliske in amatl kampa kihtoua amo tekahkayauaske, mopoua chikuasen uan chikomi, kitlakamatiske tlin ihkuilihtok, noyihki kitaske tlin kihtoua amatl non yehuan kinnauatia, uan keman oksipa mololoske kimpehpinaske chikueyi tokniuan non ompa moniloske.

Nin kali okololo nochin amame tlin okitlahtlan non okinkauako in tokniuan non omihkuiloko, uan okimpanoltili in tokniuan non ompa monichikoua mixyehyikoua kox nochikualikah ipan sepoual uan chiknau tonal den xiutl 2019.

Noyihki ipan mahtlaktl uan nau tonal ikan xiutl 2019, omolohke in tokniuan non mosepan notsa, uan mixyehyikoua, ompa omonotske uan okitlatlahthke in tlanauatik kachi makitilana oksiki tonalme, ihkon mahxiliske in tikniuan ualaské mihkuilokiue, mamopaleuikan ikan amame non yokitaka:

Se. kipoua chikuasen, nin amatlanauatil kihtoua nik non mololoske amo san se, kitlahtlani mahtlaktl o sepoual Tlakame uan Siuame, non kixmati kenin nehmachiske kispoloske nik teistlakoua, noyihki kiplaske akin kin yakana, kanin moteneua, kanin tikipanoua.

Omi kipoua chikueyi, nin amatlanauatil kihtoua amo kisilis tla kachi Tlakame o Siuame iske, kiniki maikan tlahko Siuame uan Tlahko Tlakame.

Yeyi kipoua .non tlakpak kihtoua in tokniuan okitake non ompa monichikoua nik kuali kahki nik tlahko Tlakame uan Tlahko Siuame kin tlahtlani.

Nau. Non chikueyi tokniuan non yotikipanoke ompa kali kampa mololoua ipan xiutl 2018, okin ixnextiaya non kachi impan omonikia, in Siuame, tokniuan non amo kipia chantli uan cochi ipan ohtli, Siuame non inyolnamik okse Siuatl, Tlakatl y yolnamik okse tlakatl itoka: LGBTTTI, chpakakokone, chokkokone, chokoyoualme, tokniuan non tlakati kokoxke, makuil omoteixpantiaya nik Tlakame uan omi Siuame, ihkon kachi oixnes nik san yehuan omolohke uan omopaleuiaya.

Makuil. Itich nin kali mahtlaktl in tokniuan non moteixpantia nik Siuame uan omi Tlakame, uan kate in tokniuan non techyakana kin pehpina non achto iske, uan non tlaikantokaske: in tokniuan non den LGBTTTI, non amo kimati tlahtolkoyotl, tokniuan non tlakati Altepeme, into Sisitsitsiuan, tokniuan non oksikan motioyochiua; uan tokniuan kampa miake monichikoua, ompa kikantoka non kampa mixkopina sintitl kimita.

Chikuasen. Keman kin ual notsaske nochi non kin yakana in tomaseualikniuan keme Siuame uan Tlakame, noyihki in tokniuan non amo kualti koyotlahtoua, tos in tokniuan non ompa mololoua kixtoka nik non omihkuiloto amo mahxiliske sintitl tlapaleuiske uan tlamantli ixneskayotl kiteixpantiske, ihkon keme kitlahtlani amatlanauatil non ompa kinmaka uan kitlakamati.

Chikomi. Ikanon, non ompa mololoua mixyehyikoua okixpantihke in tlanauatik uan okitilanke okse tonal, ihkon nokuel kinnotsa in tokniuan Tlakame mamihkuiloti, non kinyakana kalmekak uan kalmekak kampa motlaxtlaua nik momachtia, noyihki in tokniuan non kipia akin kin yakana, non mololoua mixyehyikoua uan non ikin kikauihue nin amauan: Siuame, Chpakatoton Chokkokone uan Chokoyoualme, tokniuan non amo kipia inchan uan kochi itich ohtli, tokniuan non tlakati kokoxke, Chokome, Tokniuan non otechmoniloko tliliuike, tokniuan non nikan motlalikiue, tokniuan non okintsahsaka, tokniuan non tikipanoua ompa kaltlapaleuil, Siuame non motetlanehtia itich chantli Tlapohpoua.

Axan nochi nin tlin omihto, ompa kali tlapaleuil nik omonichikohke non mixyehyikoua ipan mahtlaktl uan naui tonal ipan omi metstli den xiutl 2019, omixyehyikohke nik mochaske oksiki tonalme, nikan kiteixpantia tlin kitlahtlaniske:

### **Keman tlamis tlinkitlanaske**

Nikan kihtohtok nik kitilana kachi tonalme uan kin notsa in tokniuan mamihkuiloki kiteixpantia nik poliui oksiki amame, ihkon kihtoua uan tlanauatia in kaltlapaleuil.

Kitemakas uan kitlanaske mahtlaktl tonal, peuas keman kixnestiske kinmokauiske in amame non kinkauatie den tokniuan non yankuike yiue moteixpantitue, kinyekiluiske nik kinyekitaske nin amauan, uan kintitiske non mololoua mixyehyikoua ompa, noyihki kixpantiske okse tlanauatik non tech yakana.

Non tokniuan yankuike kalakiske kampa yokimihkuilohke, ihkon peuaske kimpehpinaske non yankuike tokniuan nonmosepanniloske ompa kaltlapaleuil.

### **Tlinkitlahtlaniske**

I.- Tla tik niki tikimonilos non ompa kaltlapaleuil mololoua mixyehyikoua nikan mitsilua tlonon mitstlahtlanilia:

I.-Nansepankitiske ompa kampa mololoua mixyehyikoua, tikihtoti tlonon mits tikipachoua, tlonon moniki ipanin Ueyialtepetl o tlonno tik niki makihkuilokan itich amatenan, uan amo tiktlanis.

II.-Tlayotitlanankili tik chiuas nochi tlin kihtoua uan tlanauatia in amaihkuilol uan tlikichiuas keme panoske in tonalme.

III.-Kipouiliske tlakixmati uan uehka yotlapaleui monehmachia kixpoloske nikteistlakoua, tlaokimpaleui in tokniuan non okimistlakohke, tlaokimixpanti nik kipia se amatlahtol kampa kihtoua nik onka akin kimpaleuis ihkon amaka kin chikokixtis, non amo kixmati koyotlahtol o non amo kualti san insel moteilhuitue.

IV.- Machanti nikan Mexik.

V.- Amo kisiliske tlayotikichi nikan, amaik ompa otikipanok, kipoua mahtlaktl uan omi metstli amo kichiaua ompa otikipanouaya, kualtis kalakis insepan nonmololoua mixyehyikoua.

VI.- Amo matikipano kampa kinauatia in ueyitlanauatik, amo matikipano kampa mololoua in tokniuan non kiniki yehuan tlanauatiska.

2.- In kali kampa tikipanoua o kampa mololoua intokniuan uan nonmomachtia kalmekak tlakiniki mihkuilotiue ompa kaltlapaleuil kipia kintitlanis nochtin ni amahuan itich tipos ixcopinal xitika: [convocatoria.copred@gmail.com](mailto:convocatoria.copred@gmail.com). San kin anaske amame **mahtlaktl tonal amo kipoua chikuasen uan chikomi tonal**,peuas kipouaske keman kixiniske itich amatl uan **kitsakuaske in tipostl kimakati tlahkoyouak, kualti ipan mahtlaktl tonal**.

**In amame non kin tlahatlaniliske in tokniuan non mihkuilotiue nikan kimixpantia:**

I.- Makipoua, makixtoka kanin yotikichi, kanin otlapaleui, keski xiuitl omomachtli in tokni non mihkuiloti.

II.-Amame kampa kihtohtok kanin omomachtli, kanin otlapaleui omonehmachihke kixpoloua nik teistlakoua, kox okintomili nik itich amatenan kihtohtok nik kipia akin kimpaleuis tla aka kin chikokixtia, kachi ipan tlachiaske in tokniuan non amo kixmati koyotlahtol, noyihki kixtokaske in tokniuan non mihkuilotiue.

III.- Kiteixpantiske se amatl non kin makas in tlanauatik kampa tikipanoua, kampa moteneua o momachtia, makihtohto tlin tikitl okichi ompa, uan makixkopina in kali kampa moteneua. Amo kisiliske in amatl tlakualtitlani kampa tikipanoua o momachtia non ompa mololoua mixyehyikoua non axan ompakate ipan kaltlapaleuil.

IV.- xikixkopina itich tipostl amame non mits tlahatlanilia uan ika timihkuiloti, non kititlani kaltlapaleuil.

V.- Xikixkopina in moxayak non kampauili mits tlahatlanilia xikteipanti.

VI.- Xikuika amatl kampa kihtoua kanin tichanti nikan Mexik.

In tkniuan non mihkuilotiue, amo kimpehpinaske tla amo nochi kuika tlin kintlahatlanilia

a).- Tla amo ti kuika in mo amahuan keman mits tlahatlanilia.

b).- Tla amo nochi tikuika in amame non omits tlahatlanilihke nikan kampa kihtoua nik okitlanke mahtlaktl tonal.

Amo kipoua keski tokniuan mihkuilokiue non oksikan tikipanoua, o momachtia, nochtin kin siliske. Non ompa tikipanoua noyihki kixtokaske in amame non kinkauatiue. Ompa oksipa, kimixpantis in

toknluan non mihkuilotiue uan non ompa mololoua mixyehyikoua, noyihki kixpantiske in ueyitlanauatik.

3.- In Ueyitlanauatik kihtohtias uan kintokayotis chiknau in toknluan non mihkuilotiue kalakiske mosepannohnotsaske ompa kaltlapaleuil, keman kitlaliske tonal mololoske monohnotsaske ipan xiuitl 2019, kixtokaske in amame non okitlahtlanke itich ixkopinal uan itich amatl non nochtin okichihke kampa kihtoua tlin amatl kualikaske.

Non mololoua mixyehyikoua kixmati kenin setikipanoti, kihtoske tlonon kihtoua nin yolhlo, kenin kinta in toknluan non yiue mihkuilotiue, non mihtos keman mokauaske nokuel mololoske, uan kitaske tlonon kihtoua non achto amatl okihkuilohke ipan chikuasen uan chiknau poual, noyihki tlin ihkuilihtok itich amatlanauatil uan kixmati non mololoua mixyehyikoua.

In kali kampa mololoua tlanauatilkali, kimixpantis in toknluan non omihkuiloto kox okimpehpinke uan mosepanniloske inauak non ompa mololoua mixyehyikoua, itich tiposixkopinal: itoka **página web del consejo**. Tlin kihtoske mokauas, amaka kinyolkopas.

Non nikan mitsixpantia kihtoua okitilanke mahtlaktl tonal, kualtis tikitias se tokni non ika nimauan mits ixpantia, noyihki se tokni mits kakitia ika ni tlahtoltenan itoka náhuatl, xikita itich tiposixkopinal página web del consejo.

Kltlapaleuil kampa monehmachia kixpoloua nik teistlakoua nikan Ueyialtepetl Mexik, mits ixpantia kanin chanti: General prim. Mahtlaktl, tlahko Mexik (área 2), Alcaldía Cuauhtémoc, Ueyialtepetl Mexik C. P. 06010 kinmokauis in amame ika kixtokaske kox mokauaske non toknluan omihkuiloko. Tla cachi mitson tikipachoua kenin kichiuaske o aynonon mitson tomilis nik tikon pia akin mitson paleuis, tehuatsin kualitontas itich tipos ixkopinal kampa mitson ixpantia itoka: [www.copred.cdmx.gob.mx](http://www.copred.cdmx.gob.mx)

## **Kampa kipanoltia**

**Sanyé.** Xikteixpanti itich amaixkopinal nikan Ueyialtepetl Mexik.

Ueyialtepetl Mexik ipan kaxtol uan nau tonal, omi metstli, xiuitl 2019

**TEMACHTIANI. GERALDINA GONZÁLEZ DE LA VEGA HERNÁNDEZ TLAYAKANK ITICH KALTLAPALEUIL MONEHMACHIA KIXPOLOUA NIK TEISTLAKOUA NIKAN UEYIALTEPETL MEXIK.**